

整屋李二曲先生著

四書反書錄身卷二一大學中庸

藍屋李二曲先生著

四書反身錄

浙江書局刊本

原序

四書反身錄者、錄二曲先生教人讀四書反身實踐之語也、先生嘗謂孔曾思孟立言垂訓、以成四書、程朱相繼發明、表章四書、非徒令人口耳也、蓋欲讀者體諸身、見諸行、充之爲天德、達之爲王道、有體有用、有補於世也、

國家頒四書於學宮、以之取士、非徒取其文也、原因文以徵行、期得實體力踐德、充道明有體有用之彥、有補於世也、而讀之者、果體諸身、見諸行、充之爲天

德達之爲王道有體有用有補於世乎否則誦讀雖勤聞發雖精而入耳出口假途以干進無體無用於世無補夫豈聖賢立言之初心

國家期望之本意耶於是感慨救弊力障狂瀾居恆教人一以反身實踐爲事小子恭侍函丈特蒙提誨尤諄日獲聞所未聞退卽隨手劄記自夏至冬不覺成帙然遺忘不及記者甚多特存什一於千百鍼砭韋茲奉以自勗竝爲同讀四書者勗鄂縣受業門人王心敬識

重刻四書反身錄序

人患不讀書尤患讀書而不求於身卽如四書無人
不讀求其讀一句行一句者有幾蓋屋李二曲先生
慮學者忘身以言書也於是以反身名其錄讀四書
者誠惟於身是反尙何暇爲漢宋朱陸爭是非而亦
何是非之不明哉是錄蓋先生弟子王公心敬所輯
一刻於陝西學政許公孫荃再刻於肇慶知府李公
彥瑁吳中不多觀梓而廣之當必有因而興者已嘉
慶二十二年歲在丁丑夏五月旣望江蘇督學使者

蕭山湯金釗謹序於院署之崇素堂

一依例刻西學通考公府前陳外學通考
同是張之洞開辦其後蓋於光緒壬午王公亦
音漸漸傳其長又將外學通考其後蓋於光緒
歌學音通長以音書也故其後蓋於光緒壬午
不龍其其前一音書一音書其後蓋於光緒壬
八歌不龍其其前一音書一音書其後蓋於光緒

校刻四書反身錄序

朱子合論孟學庸爲四書自明以來以之命題
取士忠孝才德之儒接踵繼起此讀四子書者
之明效大驗也沿襲旣久幾忘其爲反身求道
之書遂疑科舉之學有以累之是殆不然讀四
書者誠能反身求道則理愈徹氣愈充於科舉
之業愈工未見其相妨也惟自視太卑視聖賢
之言太高志之不立讀如未讀斯則未流之弊
不可無以救之耳余念此久矣聞

國初鄆縣王公心敬嘗輯李二曲先生語爲四書反身錄竊喜四書之下繫以反身二字卽此命名之義奚啻清夜之鐘是必可以救末流讀四書而不立志之弊而惜乎未見其書嗣得江蘇學使湯公金釗重刻之本旣而又得康熙二十五年關中學使許公孫荃原刊之本於是捐俸付梓使信江書院肄業諸生咸與校讐工旣竣乃集諸生而告之曰反身二字孔子發之子思述之孟子申之我

朝正學昌明。蓋屋李二曲先生又逐章逐節闡釋。其所以立言垂訓之意。誠患學者妄自菲薄。以聖賢之言爲高遠而難行。而非謂四書義理。經前人之所發明者。猶有所未盡也。雖然。反身之明。效大驗。與不反身之流弊。不但於讀四書見之。讀易而不反諸吾身之陰陽。讀書而不反諸吾身之政事。讀詩而不反諸吾身之性情。讀禮而不反諸吾身之節文。讀春秋而不反諸吾身之誠僞邪正。其流弊同也。諸經而外。若通鑑若

綱目若二十三史法戒大備尤稱得失之林可
資之以自鏡讀者苟不取古人所行之經權常
變是非臧否一一反之於身則善不知法惡不
知戒其流弊亦同也是故讀經讀史皆貴於反
身而尤莫切於讀四書反身朱子融會經傳之
旨更證以羣儒之論定爲章句集註示人以反
身之學可謂至矣象山陽明惟恐讀朱子書者
昧反身之義復倡爲求放心致良知之說以輔

或意在析字論文間亦有功於章句集註足爲
吾人反身之助是在讀四書者不陷溺於其說
則亦不至有買櫝還珠之誚也譬如適京師者
涉江淮渡黃河凡所經過之小溪曲澗斷港絕
潢舉不足爲舟車之礙惟志不在於適京師則
遂有涉江淮而思爲岷山桐柏之遊者矣則遂
有渡黃河而欲溯龍門積石以探源於星宿海
者矣抑又有徘徊於小溪曲澗斷港絕潢之地
思欲結屋以棲裹足而不復前者矣此其人蓋

終身無抵京師之日彼夫讀四書而不以反身
爲事徒誇知識之多以飾其僞矜記誦之廣以
長其傲恃聞見之博以肆其辯侈辭章之富以
塗澤時人之耳目而於道茫乎未之有聞者何
以異於是耶諸生鍾信水靈山之奇氣被朱呂
二陸之流風餘韻束髮讀四書卽知讀如不讀
者之深爲可恥則其聞反身之說當必憬然悟
奮然興月異而歲不同期無負

聖天子作人之意而并有以副余之厚望也夫

道光辛卯春月

賜進士出身知江西廣信府事前翰林院編修三韓
銘惠謹序

二曲先生讀四書說

四書傳心之書也人人有是心心心具是理而人多
昧理以疚心聖賢爲之立言啓迪相繼發明譬適
迷途幸獲南車宜循所指斯邁斯征乃跬步未移
徒資口吻終日讀所指講所指藻繪其辭闡所指
而心與指違行輒背馳欲肆而理泯而心之爲心
愈不可問自負其心而竝負聖賢立言啓迪之苦
心噫弊也久矣

吾人於四書童而習之白首不廢讀則讀矣只是上

口不上身誠反而上身使身爲道德仁義之身聖
賢君子之身何快如之呂新吾云聖賢千言萬語
說的是我心頭佳話立的是我身上妙方不必另
竭心思舉而措之無往不效而今把一部經書當
作聖賢遺畱下富貴的本子矻矻終日誦讀惓惓
只爲身家譬如僧道替人念消災禳禍的經懺一
般念的絕不與我相干只是賺些經錢食米來養
活此身把聖賢垂世立教之意辜負盡了有道之
士仔細思量笑歎愧歎斯言切中吾人通病吾人

所宜猛省

士問四書疑義先生謂之曰吾子是行至此致疑乎抑徒誇精鬪奧以資講說已耶夫大學之要在格致誠正脩吾曹試切己自勘物果格乎知果致乎果意誠心正脩身以立本乎中庸之要在戒愼恐懼涵養於未發之前子臣弟友盡道於日用之際吾曹試切己自勘果或靜或動兢兢焉惟獨之是愼乎果於子臣弟友盡道而無歉乎論語之要在於時學習吾曹試切己自勘果明善乎果復初

乎果存理克欲視聽言動之復禮乎言果一一忠
信行果一一篤敬三畏九思之咸事乎孟子之要
在知言養氣求放心吾曹試反己自勘言果知乎
氣果養乎放心果收乎不擇純駁惟資見聞恐非
知言之謂也不懲忿窒慾集義自反恐非養氣之
謂也纔辨方甲卽以獵榮網譽爲務多材多藝祇
以增其勝心日鑿日喪放猶不足言也四書之設
果欲吾曹之若是乎五霸者三王之罪人也然則
吾曹日讀四書而不能惟其言之是踐雖欲不謂